

# AKT THEMELUES I SHOQËRISË TREGTARE "KIENEX" SHPK

Unë Ana Agim Troka, me nr. ID J56001033H, dtl. 01.10.1995, banuese në Rr. "Vëllezërit Manastirli", Tiranë, mbështetur në Ligjin Nr. 9723, datë 03.05.2007, "Për Qendrën Kombëtare të Biznesit" dhe në ligjin Nr.9901 datë 14.04.2008, "Për Tregtarët dhe Shoqëritë Tregtare", sot me datë 20.04.2021, krijoj shoqërinë tregtare me përgjegjësi të kufizuar "KIENEX", me aktin themelues të saj si vijon:

## FORMIMI

### NENI 1

Formohet shoqëria e quajtur "**KIENEX**" sh.p.k. Shoqëria do të nënshtrohet legjislacionit shqiptar, ndërsa degët që mund të krijohen do të nënshtrohen legjislacionit ku do të ketë selinë.

Shoqëria do të ushtrojë veprimtarinë e saj në bazë të këtij akti themelues dhe statutit të shoqërisë që do të miratohet nga ortaku themelues.

## SELIA E SHOQËRISË

### NENI 2

Selia e shoqërisë tregtare "**KIENEX**" sh.p.k. do të jetë: Rr. Frederik Shiroka, Pallati nr. 33, Njësia Administrative 7/ Tiranë. Ajo mund të çelë dhe seli të tjera, degë e filiale, përfaqësi dhe agjenci operative në të gjithë territorin e Republikës së Shqipërisë, dhe me miratimin e organeve kompetente edhe jashtë vendit.

Shoqëria mund të ndryshoj selinë e saj, të hapë zyra përfaqësie, degë, të krijojë filiale si brenda ashtu edhe jashtë Republikës së Shqipërisë, vetëm me vendimin e ortakëve të saj.

Kapitali themeltar I Shoqërisë tregtare "**KIENEX**" sh.p.k. Do të jetë **1.000** (një mijë) lekë dhe do të përbehet nga kuota e ortakut themelues të shoqërisë. Kapitali përbehet nga 1 kuotë dhe vlera nominale e një kuote është e barabartë me **1.000** lekë. Kapitali Themeltar fillestar mund të shtohet sipas vendimit të ortakut themelues. Kapitali është tërësisht I shlyeshëm dhe I nënshkrueshëm.

### NENI 3

Ortaku I vetëm duhet të bëjë përpjekje për rritjen e potencialit ekonomik të shoqërisë, të ruajë konfidencialitetin e saj dhe të mos dëmtojë interesat e personave të tjerë dhe të shoqërisë.



## DREJTIM I SHOQËRISË

### NENI 4

Shoqëria do të drejtohet nga 1 administratore Znj. Ana Troka, e cila është përfaquese ligjore e saj. Afati I emërimit të administratorit është për një periudhë kohore prej 5 vjet me të drejtë ripërtëritje.

### NENI 5

Të ardhurat neto të shoqërisë I takojnë ortakut themelues të shoqërisë.

### NENI 6

Ortaku themelues ka të drejtë të emërtojë dhe administrator të tjerë të vlerave materiale të shoqërisë. Ai ka të drejtë të caktojë financiar, likuidator për problemet e shoqërisë, si dhe të pajtojë persona të tjerë si ortakë. Financieri nxjerr rregullisht treguesit financiare tre mujore, 6-mujore dhe vjetore, për aktivitetin e kryer të shoqërisë.

### NENI 7

Shoqëria ka vulën e saj në madhësi të zakonshme, me tekstin katërkëndore.

## OBJEKTI I VEPRIMTARISË

### NENI 8

Shoqëria ka për objekt të saj kryerjen e të gjitha aktiviteteve që një shoqëri me përgjegjësi të kufizuar mund të ushtrojë në bazë të legjislacionit shqiptar, brenda ose jashtë territorit të Republikës së Shqipërisë, duke u fokusuar kryesisht në:

1. Tregti me shumicë e pakicë të artikujve të ndryshëm; materiale të pajisjeve elektrike dhe elektronike, pajisjeve industriale dhe elektroshtëpiake, pajisjeve e sistemeve/impianeteve të ftohjes dhe ngrohjes (kondicionimit) si dhe impianeteve të tjera të çfarëdolloji, materiale ndërtimi, mallra industriale, lëndë të para, pjesë këmbimi për pajisje & makineri të ndryshme, etj.
2. Import - eksport i mallrave industriale, pajisjeve elektrike dhe elektronike, lëndëve të para, etj. ;
3. Transport mallrash; pajisje elektrike dhe elektronike, tregtim të materialeve të ndërtimit etj.

### NENI 9

Për kryerjen e veprimtarisë së saj shoqëria do të sigurojë mjetet e nevojshme dhe do të bashkëpunojë me persona fizikë dhe juridikë, vendas dhe të huaj.

## KOHËZGJATJA E SHOQËRISË



**NENI 10**

Kohëzgjatja e shoqërisë do të jetë me një afat të pacaktuar. Ajo mund të shpërbehet në çdo kohë dhe për çfarëdolloj shkak.

**KAPITALI I SHOQËRISË**

**NENI 11**

Shoqëria deklarohet e krijuar në zbatim të plotë të normave të statutit, në përputhje me legjislacionin shqiptar në fuqi dhe vecanërisht të Ligjit **Nr.9901** datë 14.04.2008, "Për Tregtarët dhe Shoqëritë Tregtare".

**NENI 12**

Ky akt themelimi përpilohet në tre kopje me vlerë të barabartë, nga të cilat njëra depozitohet në Qendrën Kombëtare të Biznesit, njëra në zyrën e Tatimeve dhe kopja e tretë mbahet në dokumentat e shoqërisë tregtare "**KIENEX**" sh.p.k.

Akti I themelimit nënshkruhet rregullisht nga ortaku themelues.

ORTAKU THEMELUES I SHOQËRISË

**"KIENEX" SH.P.K.**

ANA TROKA

  
KIENEX SH.P.K.